

Visoki predstavnik Valentin Inzko o trenutnoj situaciji informirao šefa Odjela za Zapadni Balkan pri Ministarstvu vanjskih poslova Velike Britanije i Commonwealtha Owena Jenkinsa



Visoki predstavnik Valentin Inzko jučer se u Sarajevu sastao sa Owenom Jenkinsom, šefom Odjela za Zapadni Balkan i proširenje EU pri Ministarstvu vanjskih poslova Velike Britanije i Commonwealtha.

Visoki predstavnik Inzko upoznao je gospodina Jenkinsa s posljednjim događajima u Bosni i Hercegovini i izazovima s kojima se ova zemlja suočava. On je naglasio da međunarodna zajednica u potpunosti razumije frustracije i pritužbe koje su demonstranti izražavali širom zemlje u posljednjih nekoliko dana. „Ovi protesti trebaju što prije povesti ka konstruktivnom dijalogu između vlasti i građana u cilju rješavanja konkretnih problema s kojima se građani suočavaju i tako pomoći da zemlja krene naprijed na planu evroatlantskih integracija“.

Visoki predstavnik Inzko također je podvukao da nadležne vlasti i drugi lideri sada trebaju raditi zajedno kako bi sadašnji problemi bili prevaziđeni. Ovi protesti se ne smiju

zloupotrebljavati u političke svrhe za jačanje etničkih podjela u zemlji. Korupcija, velika nezaposlenost i nedostatak ekonomskih prilika problemi su koji tište sve građane Bosne i Hercegovine.